

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA TISA

KIKAO CHA PILI

8 NOVEMBA, 2017



ORODHA YA SHUGHULI ZA LEO

MKUTANO WA TISA

KIKAO CHA PILI – TAREHE 8 NOVEMBA, 2017

I. DUA:

II. HATI ZA KUWASILISHA MEZANI:

WAZIRI WA ELIMU, SAYANSI NA TEKNOLOJIA:

Taarifa ya Mwaka ya Chuo Kikuu cha Dodoma kwa Mwaka 2015/2016 [*The Annual Report of the University of Dodoma for the Year 2015/2016*].

III. MASWALI:

OFISI YA WAZIRI MKUU:

15. MHESHIMIWA MGENI JADI KADIKA (VITI MAALUM):

Atamuuliza Mheshimiwa Waziri Mkuu:- Mafuta ya ngozi kwa watu wenye Ualbino huingizwa kama mafuta ya kawaida na kutozwa kodi hivyo kufanya watu hao kushindwa kumudu kuyanunua:-


Je, Serikali iko tayari kuondoa kodi kwenye mafuta hayo.

OFISI YA RAIS (TAMISEMI):

16. MHESHIMIWA DKT. CHRISTINE GABRIEL ISHENGOMA (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):- Ujenzi wa Hospitali ya Wilaya ya Morogoro umekamilika lakini Hospitali hiyo haina umeme wala maji:-

Je, ni lini Serikali itapeleka umeme na maji katika Hospitali hiyo ili ianze kutumika na kupunguza msongamano wa Wagonjwa katika Hospitali ya Rufaa ya Morogoro.



17. MHESHIMIWA ANNA RICHARD LUPEMBE (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):- Kijiji cha Mtisi katika Kata ya Mtisi hakina eneo la kilimo:-

Je, Serikali ina mpango gani wa kuwapa Wananchi hao maeneo kwa ajili ya kilimo.

**18. MHESHIMIWA SABREENA HAMZA SUNGURA
(VITI MAALUM):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Akiwa katika Kampeni za Uchanguzi Mkuu mwaka 2015 Mheshimiwa Rais aliahidi ujenzi wa barabara ya lami (Kasulu Road) ili kufungua Mji wa Ujiji:-

Je, ni lini Serikali itatoa fedha kwa ajili ya ujenzi huo.

**OFISI YA MAKAMU WA RAIS (MUUNGANO NA
MAZINGIRA):**

**19. MHESHIMIWA DANIEL NICODEMUS
NSANZUGWANKO (KASULU MJINI):**

Atamuuliza Mheshimiwa Waziri wa Nchi, Ofisi ya Makamu wa Rais (Muungano na Mazingira):- Athari za Mazingira ni kubwa na vyanzo vingi vya Mito (*Water Sources*) vimeathirika sana (Mfano Mto Makere):-

Je, Serikali ina mpango gani wa muda mfupi na mrefu wa kukabili hali hiyo.

WIZARA YA NISHATI:

20. MHESHIMIWA MARY DEO MURO (VITI MAALUM):

Atamuuliza Mheshimiwa Waziri wa Nishati:- Tangu mwaka 2014 TANESCO iliweka alama ya X kwenye maeneo ya Kiluvya, Kibaha hadi Chalinze kupisha ujenzi wa njia ya kupitisha umeme wa Gridi ya Taifa lakini hadi sasa hakuna fidia iliyolipwa kwa Wananchi hao hivyo kufanya wananchi washindwe kuendeleza maeneo hayo:-

Je, ni lini Wananchi hao watalipwa fidia stahili.

WIZARA YA MAJI NA UMWAGILIAJI:

21. MHESHIMIWA MENDRAD LUTENGANO KIGOLA (MUFINDI KUSINI):

Atamuuliza Mheshimiwa Waziri wa Maji na Umwagiliaji:-

Je, ni lini Serikali itamaliza kujenga mradi wa maji wa Kata ya Mtwango katika Vijiji vya Sawala, Mtwango, Rufuna na Kibao.

22. MHESHIMIWA FLATEI GREGORY MASSAY (MBULU VIJIJINI):

Atamuuliza Mheshimiwa Waziri wa Maji na Umwagiliaji:- Serikali kupitia mradi wa vijiji kumi unaofadhiliwa na Benki ya Dunia iliahidi kupeleka maji Maretadu, Labay, Gidmadoy, Qamtananat, Garbabi, Magana juu na Qatabela:-

Je, ni lini Serikali itapeleka fedha kwa ajili ya utekelezaji wa ahadi hiyo.

WIZARA YA MIFUGO NA UVUVI:

23. MHESHIMIWA BONIPHACE MWITA GETERE (BUNDA):

Atamuuliza Mheshimiwa Waziri wa Mifugo na Uvuvi:-

Je, ni lini Serikali itatimiza ahadi yake ya kukarabati Malambo ya Vijiji vya Makomariro 2, Kyandege, Mugeta, Mariwanda, Kihumbu, Kisangwa, Sanzete, Salama A, Salama Kati na Nyangaranga ambayo yamejaa magugu maji na mengine kina chake kimepungua.

**24. MHESHIMIWA DESDERIUS JOHN MIPATA
(NKASI KUSINI):**

Atamuuliza Mheshimiwa Waziri wa Mifugo na Uvuvi:- Suala la ufugaji samaki lina faida nyingi kwa Wananchi kama kujiongezea kipato na kupata kitoweo lakini Wananchi wa Kata za Ninde, Kala, Wampembe na Kizumbi walioko Kando ya Ziwa Tanganyika hawafugi samaki kwa kukosa elimu:-

Je, ni lini Serikali itapeleka Wataalam kutoa elimu ya ufugaji samaki.

WIZARA YA MAMBO YA NDANI YA NCHI:


**25. MHESHIMIWA RAPHAEL JAPHARY MICHAEL
(MOSHI MJINI):**

Atamuuliza Mheshimiwa Waziri wa Mambo ya Ndani ya Nchi:- Gereza la Karanga ni chakavu na lina uhaba wa samani:-

- (a) Je, Serikali ina mpango gani wa kulikarabati Gereza hilo;
- (b) Je, Serikali ina mpango gani wa kupeleka fedha za kutosha za uendeshaji ili kununua samani pamoja na vifaa vingine vitakavyosaidia kutoa huduma kwa Wafungwa na Mahabusu Gerezani hapo.

26. MHESHIMIWA JAKU HASHIM AYOUB (B.L.W):

Atamuuliza Mheshimiwa Waziri wa Mambo ya Ndani ya Nchi:- Tarehe 25/5/2017 Mhe. Waziri wa Mambo ya Ndani ya Nchi akijibu Swali Na. 274 kuhusu madai ya Mkandarasi aliyejenga Vituo vya Polisi Mkokotoni Unguja na Madungu alisema, deni tayari limeshahakikiwa na kwamba atalipwa mara fedha zitakapotolewa; lakini huu ni mwaka wa tano deni hilo halijalipwa:-

- 
- (a) Je, Serikali ina nia thabiti ya kumlipa Mkandarasi;
 - (b) Je, Serikali inasubiri ipelekwe Mahakamani ndipo ilipe deni hilo;
 - (c) Je, huu ndiyo Utawala Bora ambao nchi yetu ina dhamira ya kuujenga.

WIZARA YA UJENZI, UCHUKUZI NA MAWASILIANO:

27. MHESHIMIWA DEO KASENYENDA SANGA (MAKAMBAKO):

Atamuuliza Mheshimiwa Waziri wa Ujenzi, Uchukuzi na Mawasiliano:- Bomba la mafuta la kwenda Zambia limepita katikati ya Mji wa Makambako na barabara ambayo ipo juu ya bomba hilo hairuhusiwi kutengenezwa hivyo kuwa

na mashimo mengi na kuhatarisha maisha ya watu wanaoitumia barabara hiyo:-

(a) Je, ni lini Serikali italihamisha bomba hilo;

(b) Je, kwa nini barabara hiyo isitengenezwe ili Wananchi waendeleo kupita kwa urahisi wakati Serikali inajipanga kulihamisha bomba la mafuta.

28. MHESHIMIWA MARTHA JACHI UMBULLA (VITI MAALUM):

Atamuuliza Mheshimiwa Waziri wa Ujenzi, Uchukuzi na Mawasiliano:- Barabara ya kutoka Kibaya Wilayani Kiteto kwenda Ranchi ya NARCO iliyoko Kongwa inaharibiwa na magari makubwa yanayobeba Mahindi kutoka Kiteto kwenda soko maarufu la Kibaigwa Kongwa na Serikali ilishaahidi kuijenga kwa kiwango cha lami :-

Je, ni lini Serikali itatekeleza ahadi hiyo.

WIZARA YA VIWANDA, BIASHARA NA UWEKEZAJI:

29. MHESHIMIWA ALBERT OBAMA NTABALIBA (BUHIGWE):

Atamuuliza Mheshimiwa Waziri wa Viwanda, Biashara na Uwekezaji:- Soko la Kimataifa la

Mnanila-Buhigwe lilikuwa kwenye mpango wa kujengwa mwaka 2012/2013 lakini hadi sasa soko hilo halijajengwa:-

Je, ni lini soko hilo litajengwa.

IV. KAULI ZA MAWAZIRI:

WAZIRI WA ELIMU, SAYANSI NA TEKNOLOJIA.

V. HOJA ZA SERIKALI:

WAZIRI WA FEDHA NA MIPANGO:-

Kwamba, Bunge lipokee, kujadili na kushauri kuhusu Mapendekezo ya Mpango wa Maendeleo wa Taifa unaokusudiwa kutekelezwa na Serikali pamoja na Mwongozo wa Kuandaa Mpango na Bajeti ya Serikali kwa Mwaka wa Fedha 2018/2019.

VI. KAMATI YA MIPANGO:

(Majadiliano yanaendelea)

**DODOMA
8 NOVEMBA, 2017**

**S.N. KAGAIGAI
KATIBU WA BUNGE**